



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Mvndvs Et Mvndi Partes, Divinæ Bonitatis Ac Ivstitiæ  
Præcones**

**Stengel, Georg**

**Ingolstadt, 1645**

§. 5. Aqua bis à Moyse data, duplicis fontis à Christo nascente & moriente  
dati, figura.

[urn:nbn:de:hbz:466:1-52365](https://nbn-resolving.org/urn:nbn:de:hbz:466:1-52365)

Et placuerunt verba haec, coram Holoferne, & coram satellitibus eius, & constituit, per gyrum centenarios, per singulos fontes. Cumq; ista custodia, per dies viginti fuisset expleta, defecerunt cisterna, & collectiones aquarum omnibus habitantibus Bethuliam, ita ut non esset, intra civitatem, unde satiarentur, vel una die, quoniam ad mensuram dabatur populis aqua quotidie. Eiusdem modi historijs strategematū libri sunt pleni; è quibus perspicuum est, magnum esse, in aquis, beneficium, grande momentum: quod tantò pluris ut fiat, sinit DEVS homines, negatione aquæ, intelligere. Valde enim charum nobis debet esse, quo tã ægrè caremus. Deniq; id, vbi deest, summo labore atq; sumptu, effossis puteis, quærimus; quod passim alibi, & totis riuus fluuijsq; diuina nobis bonitas largitur.

## §. V.

Aqua bis à Moyse data, duplicis fontis à Christo nascente & moriente dati, figura.

Quamobrem & ipsi sancti beneficia præstituri, fontes aperuerunt. An non enim tulit Moyses virgam, qua erat in conspectu Domini, sicut præceperat ei, congregata multitudo, ante petram, dixitq; eis: Audite rebelles, & increduli: Num de petra hac vobis aquam poterimus

eyce-

Theod.  
serm. 2. de  
pro-uid.

Num. 20.  
9.

*sycere? Cumq̄, eleuasset Moyses manum, per-*  
*cutiens virga bis silicem, egressæ sunt aqua lar-*  
*gissima, ita ut populus biberet, & iumenta. Erat* **Exod. 17,**  
*autem hæc alia petra, & alia percussio ab* **6.**  
 illa, quæ in Exodo memoratur. Hæc enim  
 facta est, in Raphidim, juxta *Sinai*, anno  
 primo vel secundo, post egressum ex *Ægy-*  
*pto*; illa autem altera, in deserto *Sin*, apud  
*Cades*, sub initium anni quadragesimi, post  
 exitum ex *Ægypto*. Igitur bis hoc benefi-  
 cium prodigiosum præstitit populo *Moyses*;  
 sicut & alter *Moyses* *Christus*, à quo, ceu  
 fonte perenni, aut jugi aqua, omnium cœle-  
 stium & terrenorum beneficiorum, itidem  
 legimus, duos vberriimos ac saluberrimos  
 fontes nobis excitatos: à nascente vnum,  
 alterum à moriente. Vt enim de dulcissimis  
 & diuinissimis fontibus lachrymarum ni-  
 hil dicam, nascēte in spelunca *Christo*, in-  
 bi, ad ea, quæ, vsus quotidianus poscebat, è  
 petra fluxit aqua, quæ nunquam fugit, neq;  
 potuit exhauriri; mansitque diutiùs diuinæ  
 virtutis egregium monumentum. Siquidē  
 adhuc *Bedæ* tēporibus, vigeat cunctis per-  
 spicuum & venerandum tantę rei prodigiū.  
 Quod ipse à teste, qui hæc viderat, sanctissi-  
 mo *Episcopo* acceptum, his verbis, scriptis  
 man-

Beda de  
locis  
sanctis. c. 8.

mandauit. *Hac spelunca tota interiùs speciosa  
marmore tecta, supra ipsum locum, ubi Do-  
minus natus specialiter traditur, S. Mariæ  
grandem gestat Ecclesiam. Petra, juxta murum,  
canata primùm Dominici corporis lauacrum,  
de mura missum suscipiēs, hæcenus seruat: qua,  
si qua fortè occasione, vel industria fuerit ex-  
hausta, nihilominus continuò, dum respicit, sic-  
cuti antè fuerat plena, redundat.*

Ioan. 19.  
34.

Hunc fontem  
dedit salutis nostræ fons; cum viuere cœpit,  
postquam viuere desijt, alium nobis fontem  
donauit. Siquidem *unus militum lancea la-  
tus eius aperuit, & continuò exiuit sanguis &  
aqua.* Vigilanti verbo Euangelista usus est, ait

S. Augu-  
stin.  
tract. 120.  
in Ioan.

S. Augustinus, *ut non diceret: Latus eius per-  
cussit, aut vulnerauit, sed aperuit; ut illic vite  
ostium panderetur, unde sacramenta Ecclesia  
manârunt. Hoc & prænuñciarat, quod Noë,  
in latere arcæ ostium facere iussus est, quò intra-  
rent animalia, qua non erant diluuiio peritura,  
quibus præfigurabatur Ecclesia.* Dignatus est

Ioan. 4.8.

Seruator ad Samaritanam dicere: *Da mihi  
bibere;* cumq; illa tergiuersaretur, respondit  
IESVS, & dixit ei: *Si scires donum DEI, & quis  
est, qui dicit tibi: Da mihi bibere: tu forsitan pe-  
tisses ab eo, & dedisset tibi aquam uiuam.* Mirū  
est, tot homines non dignari petere hau-

stum

stum à Christo, & à Christo propinante ac  
 inuitante, imò *aquam vinam* promittente.  
 Nam profectò talem in SS. Eucharistia hau-  
 stum propinat; haustum è latere suo pro-  
 fluentem. Itaq; , *quia hinc suscipiunt principiu*  
*sacra mysteria*, inquit S. Chrysofomus;  
*cùm accesseris ad tremendum calicem, quasi ab*  
*ipsa bibiturus Christi costa, ita accedas.* Vt au-  
 tem videamus, eum non solùm dedisse,  
 fontes salubritate, atque in medendis cor-  
 poribus nobiles, sed dedisse tunc, cùm caus-  
 sas habuit negandi: tunc aquæ & san-  
 guinis fons, in latere eius, est ruptus, cùm  
 homines illi, in potum fel & acetum porre-  
 xissent. Ita absinthia nostra nectare suo cõ-  
 pensauit.

§. VI.

*Alij fontes à Christo donati, Romæ, in AE-*  
*gypto, in Emmaus.*

Quin & alios salutare à Christo fontes  
 promanasse, probæ authoritatis scriptores  
 tradiderunt. Nam, sub eius Natiuitatem,  
 vt scribit Eusebius, Romæ, è taberna meri-  
 toria, trans Tiberim oleum, è terra, erupit;

Euseb. in  
 chron.

*Quo signo, ait Orofius, quid enidentiùs, quàm*  
*in diebus Cesaris, toto orbe, regnantis, futura*  
*Chri-*

Orof. hist.  
 lib. 6, cap.  
 19.